

MP Report

Namwala Constituency

2002 - 2006



HON. OMPIE NKUMBULA-LIEBENTHAL MP

FOREWORD

Ndilalumba kundisala komwakandisala mu 27 rweezi wa nalupale mu mwaka wa 2001. Twaambo otu twakuti twa bane ncondali kucita mummyaka yosane yainda.

Ndimukabunga katengwa Energy, Environment alimwi a Tourism, alimwi akabunga kabona zya Iwiiyo a luzwidililo. Alimwi ndiminina cisi mbuli omwe wabaabo bosanwe mung'anda yamilawo ya cooko cakumusanza (PAP) alimwi ndilisikweeta bulongwe mumikwashi, mubakubusi, alimwi atubunga tutalikonzeyza twa PAP.

Kuzwa ciindi condakasalwa ndakacita miswangano mumunyinza oonse, akuswaya komwe-komwe mutunyinza (wadi) tuli kumi atubili (12) alimwi a mumasena akuvotela. Kujanika kwabantu kumiswangano eeyi kwaali kusinkilizigwa abubi bwabweende bwatwaambo alimwi a masena aamwi ataindiki mbuli ciindi camainza.

Ikubula meenda ncecintu cipati cali kwaambwa mumiswangano eeyi. Ciyumayuma bwaali mbobuyumuyumu bupati bwali kweeta kubulizya zyakulya alimwi anzala. Zimwi zyakali kwaambwa nzikolo, zibelesyo zya mumasena abona zya bumi bwa Bantu, inzila zitali kabotu, bulwazi bwazivwubwa alimwi akubula musika wakulisya ng'ombe a zisyango.

Muzeezo wangu ngwakuti Namwala bube busena bubotu mu Zambia akunze, kategwa Bantu kabajana ziyandika mubumi, izili mbuli zyakulya, maanda, zyakusama, buponi alimwi alwiiyo.

Kuti kakuli inzila zibotu, abweende bwatwaambo, abusena bwa mungwimba alimwi amusika usumpukide, ibalimi besu inga bayungizya mukulima kwabo alimwi akucesya bucete mubusena. Amali mfulumende ngoyayobola kwiinda mukutambula civwolevwole, ono yeelede kubona kuti ilijisi zibelesyo zikonzya kuti Namwala ilakonzya kuzwidilila. Ndiyandisya kukampeena kucintu ceci.

Ndakapa mali kumbunga zyandeene mucooko coonse. Imali akaambo kazeezi kwasanganya akasika ku 69 million. Kupa oku kumwi kwakali kwakugwasilizya kusumpula 15-25% kupa kuzintu zibambwa kwiinda mumali akupengwa amasi abamakuwa, mbuli zisobano, maunifomu a cikombelo, mabbuku anyiimbo, mayake akubambulula kwazikolo, maanda abamayi antomwe a ziguju. Alimwi ndalikukulwaizya bamakaintu kuswagana akubamba tubunga tukonzya kucita milimo yakujanina mo imali.

Ompie Nkumbula Liebenthal MP
Namwala Constituency
18th April 2006.

BUPANDULUZI

Namwala ncooko cili mumunzi cilabantu basika ku 91,000. Munyinza ooyu ujisi cooko comwe munga'nda yamilawo, eeci mbuleeno cilandawidwe muzipanzi zili kkumi-atubili (wards). Pele nokuba boobo kwa kayungizigwa mawaddi obilo nokwakamana kulanganya zyaminyinza, aaya ngu mandondo a Itapa. Munyinza wa Namwala ujisi ibami bone :- Muchila. Mukobela, Mungaila a Nalubamba. Mbuli mwiinninzi wenu, mulimowangu omwe nkumwiminina munga'nda yamilawo. Ng'anda yamilawo icijisi mulimo wakulanga awo inkamu ya Executive mpoysisiya. Ikulila kwanu kulavwugwa mung'anda yamilawo . Ndakapa mibuzyo iyandika kuvwuwigwa muziyanza zili mbuli zya meenda, inzila, buponi, lwiiyo alimwi abulimi.

Muparliamentary Reform Programme kulangilwa kuti moonse muzyooko zya mucisi mbocizulwa kunooli ma opesi abaiminzi ba mung'anda yamilawo. Zyooko zili 31 zyakaba kale acoolwe mu programme eeyi. Mulimo ucicitwa kubusena bwa Namwala kuti ma opesi abambululwe.

MFULUMENDE YA COOKO

Namwala yakabaakusala kuli musanu kuzwa mu 2002. Kobilu kwakali akaambo kakufwa kwama councillors ba Phiri alimwi aba Shiloka. Mlyuuya yabo ipumune mulumuno. Kumwi kusala kwakali akaambo ka councillor kuzya mumunyanza. Ikusala kumwi kobilu kwakali akaambo kama councillors kuunka munkamu ilela. Namwala District Council ijisi buyumuyumu mutwaaambo twabwendezi pesi mizeezo nkoili yakumanya buyumuyumu obu.

Mukwiinda mu Decentralisation Policy, munyinza uno langilizya bube alimwi akupa ziyandika kubantu. Intamo ya Decentralisation akwiiya kwelede cilayandika kapati kuma council kugwasya bweende bwa ma councillors, mu mwezi wa mukubwe kangala 2004, ndakapa 50% yakula macinga ali ifuka (9).

Imali alusumpuko lwa cooko (CDF) ngakubambya zintu zimwi mubantu kusola kucesy buceete . Mali aya alapaulwa akabunga ka CDF. Bali abbazu omu ma clubs, tubunga tumwi twelede kulilembya kutegwa tupeegwe mali. Kwanyina mali alusumpuko lwa cooko (CDF) mu mwaka wa 2002. Ibwapaule bwa mwaka wa 2003, awa 2004 alimwi a 2005 bwali bobu K30 milion , K30 million, K60 million alimwi K60 million bwakaunka kukusumpula ma projects ali makumi otatwe (30). Bamwi bakajana muli ceeci mbaaba:

- Namwala Main Market K 1,740,000
- Namwala Hospital K 8,000,000
- Mbeza Womens Club K 2,218,000
- Mangwele Basic School K 1,887,000
- Moomba Rural health Club K 1,885,000

Ikabunga kabona mali alusumpuko lwacooko (CDF) kalijisi ibwapauzi (details).

MEENDA

Kwendelama akubula meenda kwakambwa mumweezi wakunkumuna masamu 2003, imasena ameenda akabikwa mucooko. Ba ZAMSIF bakazumina kuti iziguju zili lusele zyakabikwa mubusena bwa mwami Muchila. Amadamu amwi akabambululwa.

INZILA

Kulomba kwakubamba inzila mbuli ikubika taala inzila izwa kumonze kusika kwa neiko alimwi akubambulula inzila zimwi, ikwingula kwa mfulumende mung'anda

yamilawo kwakuti takukwe mali.

Imfulumende yaamba kuti tajjisi mizeezo yakubamba bbiligi liinda amulonga kuzwa ku ltezhi-tezhi kubola ku Namwala akaambo kakubula mali.

BUPONI

Cibbadela cipati ca Namwala ciyandika kuba a zibelesyo zyoonse ziyandika kutegwa kucesyegwe kutuma balwazi kuzibbadela zimbi. Kugwasigwa a ba ZAMSIF, ithiyeta a wood! zyakayakwa. Mukugwasigwa abenzuma, ndakapa mali asika K12 million ku cibbadela ca Namwala. Tubbadela tushoonto tatukwe babelesi. Bantu beenda misinzo milamfu kuti basike kutubbadela otu. Tumwi tubbadela twakagwasigwa. (Annex III).

LWIIYO

Lwiiyo ndubotu. Zikolo zyelede kubambululwa alimwi akubika zimwi zipya mumasena ibana mobeenda 5-7 km kuti basike kuli zikolo zimwi. Bamwi bakajana, bayanwa a Annex III.

BULIMI

Iciyumayuma a malwazi zyajola ansi buzyalane bwa ng'ombe. Wiminina zyabulimi mucisi (Minister of Agriculture) wakasyomezya kuti kusilika kwabulwazi bwa mauulu a mulomo, kwakatalikwa, kuyomanizigwa.

Ndalomba ku mfulumende kuti kusilika kwabulwazi bwa mauulu a mulomo butolelele ikwamyaka yotatwe itobela kutegwa bulwazi butakajokeli alimwi.

Masena atakwe bulwazi alayandika kutegwa zivwubwa kazivwula akutulwa nkobayanda kuzyula alimwi akusumpula cooko.

Mu 2002 cipanzi cimwi cacooko nanka munyinda cakala nzala. Twakaba aciindi cakuswaya ku Baambwe a wubona zya (WFP) kuti tubonesyesye. Ibupe bwazyakulya bwakayungizigwa. Mu 2005, alimwi kwakali nzala abobo ndakasola canguzu kuti tupegwe zyakulya kuzwa ku opesi lya muleli mugwasi wacisi. Amatongosi oonse akatambulwa mubulimi, mbutebuzi bubu bwakali ko akaambo, kakumuka kwambuto a camutuzya.

BWEENDE BWATWAAMBO

Akaambo kakutatambula twaambo kuzwa ku ZNBC bweendelezi bwatwaambo bwelede kulanganizigwa akwambaulwa. Ndakalomba kumwendelezi wa twaambo (M.O.I) kuti Namwala itambule cipekupeku ca ZNBC. Nokuba kuti abalo ba Celtel bajisi irna pulogilamu abo, ndakabalomba kuti babole ku cooko nkaambo kubola kwabo mumunyinda ndusumpuko.

Ndili a muzeezo wakuti kube ng'anda yaluwo, inogwasya kumwaya luzibo a mulumbe wa lusumpuko.

GENDER

Ikwandanya bamakaintu bana alimwi abakubusi ncecipazi celede kulangisisya. Mumiswanganu, ndakakulwaiziya bamakaintu kuti bapange tubunga akutalika milimo ileta mail. Mukuyumya bamakaintu, ndakapa imali kutubunga twabo. Alimwi mu mwaka wa 2003 a wa 2004 ndakagwasya bamakaintu kuti zibambwa zyabo zyobabamba zibonwe. (amubone Annex III ya bupe).

Zambia yakasaina cizuminano cakuleka ziyanza zyoonse zyakusalaula bamakaintu (CEDAW) mumwaka wa 1985 pele ticali kucililwa. Mumwaka wa 2004, ndakapa kaambo mung'anda yamilawo ikucenjezya mfulumende kuti

iciince itwaambo twa mung'anda yamilawo, twali kusalaula bamakaintu kalo kakazumininwa ang'anda yamilawo. Cintu ciyandisi kufwambana kuba abamakaintu muzyuuno zipa mizeezo.


Zambia yakalipa ini kuti ibe mumbunga yalusumpuko ya kumusanza (SADC). Basikulanga belede kubona kuti 30% muzyuuno zipa mizeezo mbamakaintu. Eeci tacelede buyo kuyaama kutwambo twacisi pele twelede kuba akubabelesi, basimpindu atubunga tutali twa mfulumende.

BWENDELEZI

Ibwendelezi nanka bubambilizi ngo mulawo alimwi amatalikilo akubambitila. Yelede kweta kubotelwa mu tuyanza twabuponi alimwi alwanguluko nanka bulubusi. Imaanda ali kabotu, zyakulya, buponi, meenda mabotu alimwi a lwiiyo nzezintu Bantu nzebayanda, kuti kabapona.

Zambia ncisi cimwi cisaina mukulyaaba akweta kubotelwa mutuyanza twabuponi alimwi abulubusi. Ali zeezi ni millennium Development Goals (MDG), izyakasainwa mumwaka wa 2000 mumuswanganano wamasi (UN), wakubamba kulyaaba kuti mizeezo imwi iciitwe kusikila mumwaka wa 2015. Mizeezo ili lusele yakumanya bucete anzala, kujana lwiiyo, kweta kwingaina alimwi akuyumya bamakaintu, kucesyha bumambi kubana, kuzwidilila mubuponi, kulwanisya bulwazi kwasikalileke HIV/AIDS, ntuntumanzi alimwi amalwazi amwi, nkubona kuti bukkalo akuyaka nanka kubamba luswanganano lwakuyadisya kusumpuka.

Kuti lusumpuko lwaminyinza eeyi lube, uno mwaka ndaketa muzeezo wakuti mfulumende yelede kuzumina akusainana alimwi akweta African Union alimwi a SADC antomwe. Kwiinda mukulyaba kwa African Union/NEPAD, 10% yabwapaule bwamali yelede kuti yuunke kubulimi kusika 2008. Kutwaambo twabuponi ba Abuja bakamba kuti 15% yabwapaunzi bwamali acisi bwelede kuya kubuponi.



BA MP NI BASWAYA CHIPATELA MWI BOMA LYA NAMWALA



BA MP BEEBELA MILIMO YA SHINTU SHAKATONDEZHIWA KU CRAFT FAIR



SHIMUNENGA 2005

MASENA AKUVOTELA A MINYINZA YA COOKO CA NAMWALA 2002-2005

Namwala Central

1. Namwala Boma
2. Maseele

Ngabo/Kaluweza

3. Ngabo
4. Tuunga
5. Inongwe
6. Kalundu

Baambwe

7. Kawilizhi
8. Baambwe
9. Chibunze

Maala

10. Shimayoba
11. Busangu
12. Maaka

Kantengwa

13. Shamukunchi
14. Shimukopola
15. Kantengwa

Kabulamwanda

16. Namusonde
17. Kabulamwanda
18. Nchole
19. Mamvu

Chitongo

20. Mandondo
21. Mangwele
22. Makotoolo
23. Mwaangwe

Nakamboma

24. Simanje
25. Makaba
26. Nakamboma
27. Katowa

Mbeza

28. Moomba
29. Nacuumba

Ndema

30. Masompe
31. Kazuni Kalila
32. Umbuzu
33. Ndema
34. Musemu

Namakube

35. Nkomba
36. Shamutiki
37. Itapa
38. Namayovwu
39. Tampwe
40. Namakube
41. Matebwele
42. Shamashikwe

Moobola

43. Shababwa
44. Kabwe
45. Mashikili

Minyiza Mipiya

- Mandondo
Itapa

CONSTITUENCY MEETINGS 2002-2005

1. MUKUBWE KANGALA A GANDA PATI 2002

Mubusena bwa mwami muchila kwakaba miswangano kuzwa mu 26th - 28th mweezi wa mukubwe kangala.

Kuzwa mu 9th kusika mu 11th mweeziwa ganda pati kwakaba miswangano mu mawoodi aya ; Mbeza, Nakamboma, alimwi a Chitongo mubusena bwa mwami Nalubamba.

Aya masena akali aciyumayuma. Buyumuyumu bwimi basimunzi mbobakambaula mbwa kulampa kujanwa meenda azivwubwa alimwi akubelesya mubulimi amumaanda abo. Mumwi mumasena bali kutongoka kuti beenda mawoola one kutola zivwubwa zyabo kuti basike kujanwa meenda.

2. ITWI

Miswangano ili lusele (8) yakatola busena mumawoodi osanwe- Namakube, Mbeza, Maala ,Nakamboma alimwi a Katengwa- aya akaswayigwa kuzwa mu 18th kusika mu 25th mweezi wa itwi.

Ikukumbila kwakaba ko kwakuti ba WPF bayungizye ibupe bwa mapopwe a civwolevwole. Ibantu bamwami Muchila bakalomba kuti iziguju a madamu babikilwe akaambo kakubula meenda akubelesya, amanda alimwi a zivwubwa zyabo. Alimwi kwakambwa kuti inzila azikolo zimwi mucooko zyelede kufwambana kulanganya.

3. NALUPALE 2002

Mu 7th mweezi wanalupale kwakaba muswangano acikolo cipati cacooko, kwalo oko bamayi bacicokolo eeci aba Lubanga Shabongwe alimwi a babelesi nkobakajanika. Itwaambo twa zyendelo zya zikolo alimwi antolongo, maanda a bamaayi abubambuluzi bwa cikolo zyakambaulwa mumuswangano ooyu.

Imuswangano wakaba ku Ngabo, lbakajanika mbamasibbuku, basimunzi alimwi abamayi ba kucikolo ca Kalundu a Kaluweza. Kwakaba tongosi lyazyakuceya zyakulya zycivwolevwvwole. Babelesi ba Council bali kutongoka kuti tibali kuzumizigwa kuti bapegwe zyakulya zycivwolvwvwole. Alimwi kwakalombwa kuti buyumuyumu bwa meenda bwelede kulanganisigwa.

4. KAANDA KANINI 2003

Miswangano yakacitwa mumawoodi aya; Namwala Central, Kabulamwanda, Namakube, Mbeza alimwi a Baambwe.

Azintu zyakambaulwa a muswangano wali ku Naciiumba ngwakuba a cikolo camumiinzi akaambo kamusinzo usika 7-9 kilometres, bana ngobeenda kuti basike kucikolo cili afwafwi. Ikuyaka kwakatalikide kale alimwi bamumunzi bakaletede kale musenga a mabbwe. Imali asika K300,000 apegwa kugwasilizya ikususa ziyandika.

Alimwi kwa kambwa kuteti busena oobu bwakali jisi buyumuyumu bwa meenda akubelesya mumaanda alimwi a zivwubwa zyabo. Kwa kaba ikulomba kuti bapegwe iziguju zybilo na zyotatwe alimwi akubambulula idamu Iya Hachilungu

eelyo, liyuma mbwamanina buyo mainza. Ibasimunzi bakamba kuti ibutebuzi bwali bubi mubusena oobu akaambo kakucelwa kweta imbuto. Bakamba kuti, iikulisya kwa mapopwe kwelede mumweezi wa Vwivwi.

Ku Namusonde inzala bwali mbobuyumuyumu akaambo kaciyumayuma cakaumpa zisyango zyabo zyakutanguna. Nokuba kuti ikusyangulula kwakaba ko, azisyango tizyakaba kabotu akaambo kamvula yakaindilila iyakapa kuti zilobelwe.

Ibusena bujisi Bantu baindilila ku 1,500, bwakali jisi buyo ciguju comwe cali kubeleka a cikolo. Kwakali kuyandika iziguju zzybilo kuyungizya ali cakaliko. Mali asika K300,000 akapegwa kutengwa iciguju cabasimunzi cibambululwe.

PTA yakayubununa kuti basimunzi bakali abuyumuyumu bwakukwanisya 15% ya zintu zyali kuyandika kuti mulimo wakuyaka cikolo utalike. Zimwi zibelesyo zyaketwa, pele zyali zishoonto. Imali asika K 1,000,000 akapegwa kutegwa imusenga amabbwe ba zisuse nanka zisusigwe.

Cakaboneka antangalala kuti inzila zzybilo zyunka ku Maala tizyali kabotu. Basimunzi bakalomba kuti Namusonde - Maala alimwi kabulamwanda - Maala zibambululwe kaitanasika mvula.

Mu 4th mweezi wakaanda kanini kwakaba imuswangano kwa Muchila iwali abantu baina ku 260 bamwi ibali ko mba mwami Muchila, bamasibbuku bobilo, inkamu yakabunga kabona zybubambilizi ka Namakube alimwi abamwi banji.

Basimunzi bakamba kuti butebuzi bwakali bubi. Imusika wakukisizya ng'ombe bwali mbobuyumuyumu. Kwakambwa kuti ibulwazi bwaddenkente bwakalitalikide mubusena bwa mwami Muchila.

Kwakambwa kuti ibuyumuyumu bwa meenda mu wadi Iya Namakube bwakalisininzye. Kwakalombwa kuti kube ziguju alimwi kubambwe amadamu. Imasena ali 31 akajanika kuti ngakapengede kapati atwaambo twakubula meenda.

5. KAVWUMBI KANINI 2003

Imiindandanda warniswangano ku Baambwe, Chibunze, Nakahundu, Itapa alimwi akwa Ndema.

Muswangano iwali ku Baambwe wali watwaambo twatubunga twa bamakaintu. Kwakaba bupanduluzi bwakuti kwanyina mali abusumpuzi bwa cooko (CDF) akelede kubelesegwa kusumpula bukkalo bwabantu. Mali asika K400,000 akapegwa kutubunga twabamakaintu mu woodi eeyi. Ibakubusi bakalomba kuti bagwasigwe izikobela zyabbola alimwi a mabbola.

Muswangano wakaba ku chibunze oko kutendekianoli mainza. Imulumbe wakukulwayizya bamakaintu kuti balibambe akuba antomwe kuti babe azintu zyoakonzya kucita kutegwa kabapindauka kuti kabajana mali wakambwa. Imali asika

KI 50,000 akapegwa kutubunga twabamakaintu. Alimwi mali asika K 600,000 akapegwa kuti kujanwe zyakubelesya kucikoolo camumunzi okuya ku chibunze.

Muswangano wakaba ku Nakahundu mu 22nd mumweezi wakavwumbi kanini, basimunzi bakatongoka buyumuyumu bwa meenda. Iciguju cabusena oobu cakali fwide aboobo cakapa buyumuyumu bwindilila kubantu alimwi a zivwubwa zyabo nkaambo mbobusena bwameenda mbobali kushoma. Alimwi cakambwa

antagalala kuti basimunzi ball kuyaka cikolo. Ba kapedwe cipepa kuzwa ku Embassy ya Japan kutegwa balombe kuti bagwasigwe kabbadela alimwi a cikolo. Akaambo kakuti milimo yakali kuyanda meenda.

Ku Itapa, icibbadela cakuligwasya cakali sikide atalikila ccilili, cakaswayigwa. Imali asika K 100,000 akapegwa kuti abelesegwe kususa musenga alimwi amabbwe. Ikuyandisya kwaakaba nkwakuti inzila izwa kwa Neiko kuboola ku Itapa ibambululwe, akuyaka idamu lya Ndema alimwi akubambulula iziguju zili lusele zyatakali kubeleka. Imali asika K 300,000 akapegwa kutubunga twabamakaintu.

Muswangano wa kwa Ndema wakali wabamasibbuku, pele abamwi basimunzi bakajanika abalo. Basimunzi bakali kuyandisya kuyaka cibbadela, Pele iziyasyo nanka zibelesyo zyakali mbobuyumuyumu. Imali asika K 100,000 akapegwa kuti abelesegwe kususa musenga alimwi amabbwe. Itwaambo twakubamba idamu lyakokuya kwa Ndema alimwi aziguju zili lusele zyatali kubeleka twaketwa. Imali asika K 300,000 akapegwa kutubunga twa bamakaintu.

6. NALUPALE 2003

Muciindi eeci miswangano yakaba ku Chitongo, Makotolo alimwi akabulamwanda ikwambaula twaambo twalusumpuko amakani atubunga twabamakaintu mbotwelede kubeleka. Tubunga totatwe twakajanika kumuswangano wakali ku Chitongo . Imali asika K 300,000. akapegwa. Ku Makotolo tubunga tobilo twakapegwa mali asika K 200,000 akamwi. Muswangano wa kunavwu tiwakaba ko pe.

7. VWIVWI 2004

Imundandanda wa miswangano wakaba ku Mbeza. Muswangano wakaba kuya ku cikolo ca Nacuumba mu 5th Mweezi wa VwiVwi, Basimunzi baketa buyumuyumu bwabo bwakubula meenda alimwi akuyandisya kuba amwiiyi uyiidde a cikolo.

Kumuswangano wakali ku Cikolo ca Moomba twaambo twaketwa twambeba zyakali kulya akujaya sisyango. Icikolo cakalomba kuti cijane cakali kucitika a ZAMSIF akaamba kakulomba cikolo nkocakalombede kuti cibambululwe.

Imuswangano wakaba kucikolo ca katowa oko twaambo twaketwa ntwakubula bukwabilizi mubusena, ikuyanda ziguju alimwi azibelesyo kuti maanda abamayi amanizigwe.

Imuswangano wakali ku cikolo ca Simanje, kwakalombwa kuti bajane lugwasyo akaambo kabuyake bwa cikolo. Imali asika K.500,000 akapegwa.

Muciindi ncena ikakolo kamumunzi kako kuya ku Nchole kakapegwa imabbuku, impesele alimwi amacoko akapegwa akabunga kabona tukolo twamumunzi. Tumwi tukolo twakapegwa ngu Nacuumba alimwi a Chilala.

Imuswangano wakali ku cikolo ca makaba, basimunzi bakatongoka ibutebuzi bwakali bubi mubusena akaambo kakubula zibelesyo zya maloni. Kuyandisya kwaketwa akaambo kadamu lili mubusena lyakandaukide.

Ikulomba kwa bamukabafwu a bamucaala kuti bagwasigwe kwakaba. Ikabunga kabamukabafwu ka maseele kakapegwa mali K250,000.

8. KAANDA KANINI 2005.

Imuswangano wakaba kukabulamwanda. Imatongosi akaliko nga bulwazi bwa ng'ombe mubusena alimwi a muulo wang'ombe . Nokuba kuti icipanzi cimwi ca ng'ombe mu Namwala zyakayaswa musamu wakukwabilila, basimunzi bakayandisisya kuti akapanzi kashoonto kakasyeede akalo kakwabililwe. I bantu baina 260 bakajanika amuswangano ooyu.

9. GANDA PATI 2005

Ikutongoka kupati kwali kumuswangano wakali okuya ku cikolo ca Shimashikwe nkwakubula meenda. I ciguju comwe nocali kubelesegwa abantu baina ku 2000.

Aciindi eeci iciguju cakali fwidde alimwi kwakali kuyandika mali ayinda K2 million kuti kulwe zibulo zyakali kuyandinka kufwambana. Kwiinda mu CDF zibulo zyakaulwa alimwi iciguju cakabambwa akutalika kubeleka.

10. ITWI 2005

Basimunzi ba kucikolo ca mamvu bakali kuyaka ikkilasi alimwi bakali kulomba zibelesyo zyakuyasya. Imwiminizi wa cooko (MP) wakabalailila kuti balemebele kukabunga kabona zyamali alusumpuko lwa cooko (CDF). Alimwi ibusena oobu bulijisi buyumuyumu bwa meenda.

11. KAVWUMBI KANINI 2005

Imundandanda wamiswangano yakaba mumweezi wakavwumbi kanini.

Imuswangano wakaba kucikolo ca Nkomba. Basimunzi bakatongoka kuceeya kwacakulya ncobakali kupegwa ca civwolevwole alimwi akuyanda kuti babe asetilaiti kufwaafwi aminzi yabo. Itongosi lya meenda lyakaboola alimwi akulomba kwiinda mumwiminizi wacooko (MP) kuti bagwasigwe kutegwa bajane iziguju.

Imuswangano iwakaba kucikolo ca Kabwe mubusena bwa mwami Muchila, kwaketwa matongosi a ziguju alimwi acakulya ca civwolevwole.

Imuswangano wakali ku Chibunze munkambe yabasikuzela nswi bantu bakatongoka kutatambula akapanzi kumali alusumpuko lwacooko (CDF). Kusyomezya kwakucilila kwakaba alimwi kumamanino imali akatambulwa nanka bakapegwa.

12. NALUPALE 2005

Mubuzuba butanzi bwa mweezi wa Nalupale kwakaswayigwa ku Ichila. Mwiminizi wacooko (MP) wakaswaya ibalwazi mumaanda ali oswanwe abalwazi acibbadela cipati ca Namwala.

Zyakulya alimwi azimwi zyabuyandi zyakapegwa kubalwazi boonse ibakali mumaanda abalwazi (woodi).

ANNEX III

IKUPA KUMWI BAIMINIZI MUNG'ANDA YAMILWO NKOBAP 2002-2005

Zikolo

BAKAJANA	MWEELWE
Ngabo Primary School	1,000,000
Maala teachers' houses	1,000,000
Namusonde School	1,000,000
Namwala High School	1,000,000
Lubanga Shabongwe School, Namwala	1,000,000
Kantengwa School	1,000,000
Nacuumba Comm. Sch.	600,000
Chibunze Comm. School	500,000
Baambwe Basic School	500,000
Simanje School	500,000
Moomba School, Mbeza	500,000
Naminwe Comm. Sch.	450,000
Ichila School	300,000
Kabwe School	300,000
Nkomba School	300,000
Chibunze School	250,000
Shimukopola Comm. Sch.	200,000
Mandondo School	200,000
Kalundu School	200,000
Mamvu School	200,000
	11,000,000

Tubunga tubona zybuponi

BAKAJANA	MWEELWE
Namwala District Hospital	12,000,000
Maala Clinic	1,200,000
Ndema Clinic	1,000,000
Itapa Clinic	1,000,000
Kabwe Health Center (iron sheets)	600,000
Kawilizhi Clinic	500,000
Makuzu Community Clinic	90,000
	16,390,000

Tubunga twabamakaintu

BAKAJANA	MWEELWE
Maala Women's Club	650,000
Namakube Women's Club	600,000
Moboola Women's Club	400,000
Baambwe Women's Club	400,000
Itapa Womens's Club	300,000
Ndema Women's Club	300,000
Kabulamwanda Women's Club	300,000
Kaundu Women's Club	300,000
Chibunze Womens' Clubs	250,000
Maseele Widow's Club	250,000
Nkomba Women's Club	250,000
Nakahundu Womens' Clubs	230,000
Makotolo Women's Club	200,000
Mwaangwe Zone 1 Club	200,000
Kabwe Women's Club	200,000
Namusonde Women's Club	200,000
Chibunze Women's Club	200,000
	5,230,000

Mizundano

BAKAJANA	MWEELE
Namwala High School Provincial Annual Tournament (4 years)	12,000,000
Namakube Ward Football Club	1,500,000
Moobola Sports Club	1,000,000
Ndema Sports Club	700,000
Old Madaalas Game, Maala	500,000
Independence Memorial Maala	500,000
Lozis v. Tongas game	400,000
Namwala Football Club	350,000
District Amateur Football Club	340,000
Baambwe Football Club	200,000
	17,490,000

Ikupa kumwi

BAKAJANA	MWEELWE
60 Church choir uniforms (Busangu, Chitumbi, Maala)	6,480,000
CASAT	4,600,000
Donated rice transport	3,600,000
Craft Fair (mayaka yobile)	2,100,000
60 hymn books	600,000
Baambwe Ward Councillor - project	500,000
Maala Area Development Committee	500,000
Tuunga borehole (parts)	350,000
Shimusako (Namusonde borehole)	300,000
Moobola Area Development Committee	300,000
Shimashikwe community	200,000
Chibunze Independence Day Celebrations	50,000
Law Development Association Seminar	50,000
1 computer - Ila Bible Translation Project	
	19,630,000

Mweelwe wa 2002 - 2005

= K 69,740,000

MAIDEN SPEECH IN PARLIAMENT, FEBRUARY 27TH 2002

Nobambilizi bang'anda yamilawo, cakusaguna ndilumbe bantu ba Namwala kundisala kuti ndibaiminine omuno mun'ganda.

Nobambilizi bang'anda yamilawo, andiliswanganye abamwi balemekwa baiminzi bang'anda yamilawo ibakalumbaizya imwambo wabaleli bacisi iwakaboola kufwafwi amuzeezo ng'anda ino nciyali kuyanda kuciindi cilamfwu.

Kumyaka yainda ill makumi otatwe mu Zambia itwaambo twacisi twakali twakuti muntu ajanine mpawo. Mu 1980 mali akali kusika mucisi akali US\$630. Mumwaka wa 2000 mail akajoka munsu amwelwe wa US\$300. Kumakani abulwazi kwasikalileke bwainda a 20% koonse, izitondezyo zinji mucisi cesu zypiluka ansi, bumi bwapiluka ansi kuzwa kumyaka ali makumi ill osanwe a omwe yakupona kusika kumyaka ili makumi otatwe amyaka lusele mu 2000. Bunji bwaceeci bwakeeta myuulo yalubulo lwa koopa ansi, cakatobelwa a bulelo bwaba Chiluba bwakutasiniza. Cimwi ciindi kwakali kulibonya mbuli kuti Zambia cakali ncecisi cimwi catakali kwendelezegwa kabotu. Bukale ibwa bantu bwakabija.

Nobambilizi bang'anda yamilawo, kusanganya kumapenzi esu twaambo twa KCM. Bamwi basikulangilila baamba kuti ikuleka kwa nkampani ya Anglo-American Cooperation kuzwa ku KCM cakaindilila kubija mucisi cesu kuzwa mu 1965 nikwacili UD1. Nokuba boobo tunyina bwiini buyandika kabotu mukaambo aka.

Baleli bacisi bakatwambila kuti ba Task Force bakabikwa kuteeti kabatuzibya mukaambo aka. Pesi tushoonto biyo twakabaanwa mung'anda yamilawo . Ndasyoma kuti eeci cilamanisigwa kwiinda mukwamba a mfulumende ku ng'anda yamilawo alimwi akulanga kuzibisigwa zimwi kuzwa ku mfulumende njijonya.

Nobambilizi bang'anda yamilawo, ino njanda kwaamba kaambo kabwendelezi bubotu. Cakali kubotelezya kumvwa muleli wacisi kaaambo makani abuyandisi bwakubamba lubono akukasya kutasyomeka. Uyogwasigwa aboonse kuti kalibambide kubweza ntaamu mumizeezo eeyi. Cili mumaanza akwe kweeta lusumpuko alimwi njanda kutali kwiinda mukupa mizeezo kugwasya ba Executive kuzwida ambele mukuyeeya kwabo.

1. Imali ategwa Presidential Discretionary Fund (PDF) ayelede kulesegwa. Kunyina ncagwasya kunze lyakuula buyo, bantu alimwi munzila itali kabotu.
2. Opepi yabaleli bacisi- Special Division yeledde kulangisigwa mbubonya mbuli zibeela zimwi zya mfulumende akuziba milimo akusisya twaambo toonse kung'anda yamilawo.
3. Kusala kwabantu muzyuuno ziyandisi mbuli mwendelezi wamapulisa, mwendelezi wankuta alimwi abendelezi babona zyakusala mucisi basicuuno zyelede kwindulukwa. Baleli bacisi balasala akugusya Bantu aba kakunyina akuzibya ng'anda yamilawo.
4. Tubunga tuli mbuli HRC,ACC alimwi DEC tyelede kupegwa nguzu zyakubuzabyuzya alimwi akuzumizigwa kupa lipoti nanka kususya twaambo twabo kun'ganda yamilawo, kwiinda kupa mbunga itegwa Executive. Munzila eeyi imbunga eeyi yamfulumende inoli a ciindi cisyoono cakuti ikasye ntamo

- yatwaambo twamakulo mukulangila kuti ijanine mpawo mutwaambo twa cisi.
5. Imfulumende yeledede kutobela alimwi akubweza ntaamo atwaambo twamakulo akutabelesya kabotu mali, tumwi twaali ngomutwe wamakani mukubuzya akulailila kwankuta yamilawo. Sena tacili nceciindi cakuti ikaambo kabanga lya meridian alimwi akaambo ka cobalt nokelede kuti kalangwe- langwe? Kwabula ntamo kumilandu yabufubafuba ili mbuli eeyi, imfulumende inoli yakainda.
 6. Mu mfulumende impya takukwe busena bwakuyanda kuti mfulumende kayibona njiyo zyatwaambo twaluwo, mbuli mbocibede kukabunga kalela. Zyatwaambo twaluwo zyeledede kuti ziime zyalike kuti kaziyisya akubweza twaambo kubantu boonse. Mulimo wamfulumende weledede buyo kuba ooyo ng'anda yamilawo ngoyakazuminina.

Eeno ndaambe twaambo twabubambilizi bwa mfulumende alimwi abubambuluzi bwa ng'anda yamilawo (Parliamentary Reform).

Nobambilizi bang'anda yamilawo twaambo twamakulo twavwula mucisi akaambo kabuyumuyumu bwabubambilizi alimwi akwingainya kwa mbunga ibamba milawo alimwi ambunga itegwa Executive . Ncibotu kuti ing'anda icince kutegwa kaitwa kuti njabantu kwiinda kwitwa kuti ng'anda yamilawo yabaleli bacisi.

Kucinca kwakubamba milawo kweledede kuba kwakuzuminina, kwiinda kubelesya nguzu, zyabuleli. Ndiyeeya kuti ncibotu kuti kwaba nkuta yatwaambo twabubambilizi kutegwa kailailila twaambo tunji twakabola, akaambo kankamu intanzi ya mumwaka wa 1991.

Nkotuli tupanzi tuyandika kulangisya kutalika alimwi akutasanganya twaambo tucitika akaambo kabupanduluzi bwa bupange bwa milawo.

1. Tweledede kupegwa ciindi cakulangisisya milawo mipiya iyetwa. Baiminizi bang'anda yamilawo tabeledede kulangilwa kuti ba votele ibbilu buzuba mbona mbolyetwa mung'anda mbuli mbocakacitika ikuswangana kwainda kwa ng'anda yamilawo. Eeci cimvwi akaambo ka budget yalo iyandika kulangisisya kabotu -kabotu.
2. Ikubambulula milawo kucitwa a maminister, yamana yabikwa mubbuku lyamilawo kakunyina kubika nanka kweta mung'anda yamilawo nkwiinda kungsi ng'anda yamilawo alimwi tacizumizigwi kuti kaitalangwilangwi.
3. Amwaka-mwaka itubunga twa mung'anda yamilawo mbuli kabona bubambilizi bwa mali (Public Accounts) balapa mizeezo iyeeme kulipoti ya Auditor General kumbunga ya Executive yamana yalo itabiki a mizeezo. Mizeezo yakutazumina yeledede kubikwa.
4. Kweledede kuba kucinca muciyanza ing'anda yamilawo mboyikkala. Ing'anda yeledede kubika cipanzi cakukala kwa ng'anda yamilawo lwiinda mukulomba kwa baiminizi ba mung'anda yamilawo, kutegwa inguzu zyakulangilizya nanka kubona Executive zibe ko.
5. Ikubika buzuba bwakusala kuyolesya ikukakilwa mbuli kwakali ikasala kwakainda. Imbunga ibona, zyakusala (ECZ) tikoyoyela alimwi inoli aciindi ciinji cakulibambila kwakusala. Eeci cilapa kuti Bantu boonse (Stakeholders) balibambile kabotu.

6. Cipanzi ca muleli wacisi cakusala baiminina ng'anda yamilawo celede kuti cigusigwe. Muciindi ncoona muleli wacisi welede kuti kakonzya kubona matalenta aliko kutegwa abambilile nanka kuba mu cabinet, kutali kusala maminisita bazwa anze ang'anda ino, balelede kubonwa a ng'anda yamilawo mbuli babo babweza busena mumiswangano, pele tabelede kuba alubazu mukuvota.
7. Ino beledde kuvotela nzi? Ngwani ngobaiminina?
8. Itubunga twa ng'anda yamilawo twelede kuyumya, kutupa zibelesyo kutegwa tuliyandaulile twini alimwi aciindi cibotu cakubona twaambo tupati.
9. Kuli kukakilwa kumwi muciyanza cakusala baleli bacisi. Ibubambilizi bunji buyandika bunyina ibugwasya alimwi ibupe mbwa mfulumende buyo inshoonto. Ikubona namba yabantu bayanda kuti baime acuuno ca buleli bwa cisi ciyanda kulagisisya.
10. Ikucinca kwelede kubambwe mukacitilo kakusala. Ibube abubambe ibwambungu yakusala kubambululwa akweta atuba kuyandisisya kwabantu(stakeholders). Imbunga eeyi ibona zyakusala(ECZ) yeledde kulanganyisigwa ang'anda yamilawo.
11. Ibwini bwelede kuba mukugwasya twaambo twabubambilizi twalo a baleli bacisi ntobeledde kutobela akucilila. Ikuzumina kwakwamba bwini kwelede kucitwa mukugwasya twaambo twabubambilizi, alimwi abaleli bacisi mbuli babambilizi beledde ikubika nguzu mutwaambo twabubambilizi kwiinda mbunga zyoonse. Ikucinca oku kwelede kuba akubabelesi boonse babantu.

Nobambilizi bang'anda yamilawo ino ndambaule twaambo twababambilizi ba zyooko (DAs). Ibusena itwaambo twacisi motwakakizya ilusumpuko mu maopesi lya mubambilizi wa cooko (DA). Ibubambe nanka bweete bwabubambilizi bwabaleli bacisi obu bwanyonganya zibelesyo zyalusumpuko.

Eeno celede kuti cigusigwe mbuli mbocili cananyina atwaambo twacisi awo asalwa kuti kube kujanina mpawotakuli kuti babambilizi aba (DAs) basinya buyo mali balajola ansi lusumpuko muzyooko akaambo kakubweza nguzu na lubazu lwamilimo ya ma councils azyooko (District Councils).

Ndanda kubalumba baleli bacisi kumuzeezo waku ba a maopesi muminyinza, aabaiminini bamung'anda yamilawo kutegwa kabakala akwambaula abantu. Ndaando yungizya kwaamba kuti ibwapaule bwamali bwa mung'anda yamilawo bwelede kubambwa kutegwa baiminini bamunga'anda yamilawo banjizye babelesi abamwi.

Ikusalaula bamakaintu, bana alimwi abakubusi mbobusena buyandika kubikila maamu. Mbobabamba kuti inamba yabantu iwule, pele kuyanda kwabo takwambauwi pe. Bamamama besu babambilila ibana akubamba myuunda. Kuba abamakaintu bayide, bapona kabotu, ibalijanina ciyoleta buyo lusumpuko lwabukale. Ibunji bwaziindi kusalulula bamakintu ibaleta kumana kwanguzu zyabucete kwiide kwiindila muziyanga zyatusiyansiya. Kukwabilila bubi oobu kwelede kubambulula milawo iliwo kale. Ikusumpula lwiiyo lwamusimbi nintamu iluleme. Kupa nguzu kubamakaintu cicesya biyo mapenzi.

Nobambilizi bang'anda yamilawo ndando ambaula zyacooko ca Namwala. Nobambilizi bang'anda yamilawo , Namwala kwiingainya a masena amwi acisi ili

a 80% mweelwe wa bantu bacete alimwi abamwi banji bairidilila abucete. Kufwa ikwabana bavwanda kuli atala akaambo kabulwazi. Tatuji atwaambo tuli luzi tuyeme kubulwazi kwasikalileke mucooko akaambo kakubula zibelesyo mumasena abona zyabuponi (HCs).

Kugwasilizya kwabuponi kwelede kuti kakuliko alimwi kakukonzyeka kubantu boonse. Namwala ila Bantu basika ku 90,000, yamana ila cibbadela comwe alimwi a musilisi mupati womwe. Icibbadela taciiji munchini ukonzya kubelesegwa ciindi magesi naatako. Imotokala ubweza bamalwazi ngwakaindi alimwi taubeleki. Takukwe zibelesyo a cibbadela aboobo cetela kuti balwazi kabatumwa kucibbadela ca Macha kwalo nkobajisi zibelesyo. Nkotuli tubbadela mu ma woodi oonse, pele ntushoonto tuli kabotu. Babelesi mbashoonto akaambo kakubula maanda akukala, alimwi abubambilizi bwa masena ali mumenzi tabubotelezi. Bubambe bwabuponi mbuli akaambo kamalwazi ayetwa akubula meenda kabotu. Imeenda alikabotu alayandika kubasiminzi banji.

Bucete tabukonzyi kucesegwa kuti kakunyina buponi bubotu, lwiiyo, meenda mabotu alimwi abubambe bubotu bwabuponi. Mucooko ca Namwala bulwazi bwantuntumanzi mbobuyumuyumu ibwazunda buponi. Muciindi ncona kabunga kabona zyabuponi ka Namwala (NHT) kelede kuti kalumbwe akaambo kakusisya nanka kutandila ku 100% ikuyaswa kwabana ndonga zyabukwabilizi. Pele mbuli mbondamba kale abulwazi kwasikalileke, kwingaina abupati bwambubo takukwe bulembe butondezya kabotu kuti mbangaye muciiindi ecino.

Bulwazi kwasikalileke bwaiminina kuli ndiswe toonse tobasololi kuti ube ngomuzundano utulwana kapati, pele mbukunga tulizi kuti kucinca mukulilemeka kwesu tulakonzya kuvwulula akusola kucesya kuyambukizya aku yambukilwa bulwazi bwa sikalileke.

Atuliyeye ku makani aaya. Kufumbwa kuti basankwa kabayanda bamakaintu banji

alimwi akubelesya zipila zitazwi kumasena abona zyabuponi ibulwazi oobu bulazwidilila

kujaya bantu. Ndashoma kuti baleli bacisi alimwi aswebo toonse mung'anda ino tuyo

twambaula twaambo ootu muminyinza yesu. Uno mwaka twali abuyumuyumu bwacibukilambuta mu Namwala akaambo kabutebuzi bwatali kabotu bwa mwaka wainda alimwi akubula mvula mu mwaka uno. Imyuulo ya busu yaunka atala mbotwasikila buyo kumamanino akulima alimwi kulangila kupegwa civwolevwole kuboneka kuti kuzwidilila nkushoonto.

Icilikiti cilanguzu zitazumbauzigwi. Imwelwe wa ng'ombe waambwa kuti wajooka ansi kusika a 94,000 kwamyaka akaambo kabulwazi, icilikiti citondezya kuti cakaulisya ng'ombe zinda ku 6,000 mu mwaka wa, 2001 amwelwe ukozya kusika ku K2 billion.

Busambazi bwanswi bwakasika kumali asika K30 million alimwi cilikiti cituma zintu mumasena aambi zili mbuli mapopwe, butonje alimwi amalangazuba..

Ndilalibuzya ndemwini ikuti ino nkaambo nzi icilikiti cijisi nguzu cicili cicete obu. Ndili kuti mail amfulumende alyangidwe, kutali kwiinda mukusalaulana alimwi a kwalilwa kwa mfulumende ya MMD yakasanguna, eeyo yakasambala cisi amali asika K30million US dollars alimwi yakacelwa kusambala migodi. Ndiiji

bukamboni kukaambo aka.

Nobambilizi bang'anda yamilawo mbuli cisi tumvwa pampili litegwa limanya bucete (PRSP) litugwasya kuzwa ku zikwelete kwiinda mu HIPC. Pele talina letwa mung'anda ino aboobo ndila muzeezo wakuti pampili eeli lyelede kuletwa kutegwa likakazyanyigwe kwiinda mubwapanzi bwa mali na mukaambo kayetwa aba minister.

Kwanonyina kumvwa kabotu icileta bucete muciiimo mbuli cisi alimwi azilikiti alimwi akucita celede mukucesya bucete nkokuti lyoonse tunokakilwa.

Nobambilizi bang'anda yamilawo tulizi kuteti imvula iwa buyo kabotu ciindi comwe mumyaka ili yosanwe kusika kukkumi mucisi ca Zambia amasi ayengelele. Ino nkaambo nzi ncotutajani nzila imwi yakumanya ceeci? Njanda kupa kucenjezya kubulamfu bwakutawa kabotu kwamvula ikuteeti tujane nzila mbotukonzya kuyobola andiza bukwabilizi na kufwafwi amalido nanka kooloka.

Nobambilizi bang'anda yamilawo bulimi bwelede kusumpulwa. Izintu mbuli zisyango alimwi acamutuzya zyelede kuboola mukufwambana, kwelede kuba bushomezi bwa busambazi bwazilimwa kwiinda mbocalibede kumyaka yainda nozyali kusambalwa kuli basimpindu zyabo. Kuli kulila kuzwa kubalimi kuteeti mabbodi apilusigwe, nkaambo kakuti ibalimi bakalizi kwakutola zilimwa zyabo alimwi baalizi amyulo yalikuyandika. Tatukonzi kusinkilizya balimi pele twelede kupa lugwasyo kumpindu zyabo. Cintu comwe cipati nkucesye bucete mucilikiti ca Namwala kwiinda mukubamba nzila zyaabweende bwabo.

Bunji bwanzila ezi zyakabambwa kaindi nokwacili baleli bacisi ba Kaunda, kugusya ya myezi ya vumbi-pati a nalupale kuunka kukusala kwacisi. Kumakani a lwiiyo, lwiiyo ndwelelo lwa muntu woose mucisi ca Zambia. Lwelede kubawo, kujuka ani alimwi akutapa mali mane kusika cikolo cakkumi atubili (12) nanka cikolo camamanino, kutali kupiluka mbuli buyeeye bwabaleli bacisi. Lwiiyo ninzila yalusumpuko mucisi.

Nobambilizi bang'anda yamilawo, ndakaaba coolwe kwiima antomwe abasikwazwa bataata ba Harry Mwaanga Nkumbula akati kabamwi basoloji basikulwanina lwanguluko, ndembela yacisi noyakaunga mu 24 mwezi wakvumbi kanini mwaka wa 1964 mucibanza calwanguluko. Nobambilizi bang'anda yamilawo twaba abumboni mubucince bwa twaambo twacisi kuzwa ku chilenje kuunka ku ng'anda yacisi a kuzwa ku mbunga yamilawo kuunka ku Manda Hill, alimwi akuyeeya mizeezo yabazyali besu bakautalika mulimo ooyu alimwi eeyi mizeezo inga yazuzikizigwa andiswe notuli mung'anda ino.

Kuti twaba abwini bwakuyanda kusumpula cisi cesu, cisi citajisi bucete, cisi cilabuponi bubotu, lwiiyo lubotu, cisi bantu mobakanzya kulyendela kabalimvwa ncobeni kuyeeya kwesu kunooli kwabwini alimwi twelede kukucilila amilimo. Sena tatwelede mbuli baiminzi babantu mung'anda yamilawo kutondezya ng'anda yamilawo mucisi kwiinda kukala buyo?

Ndobambilizi bang'anda yamilawo, Ndalumba

